



Republika e Kosovës  
Republika Kosova - Republic of Kosovo

ZYRA E RREGULLATORIT PËR ENERGJI  
REGULATORNI URED ZA ENERGIJU  
ENERGY REGULATORY OFFICE



Nr. 075/22  
Data 16.12.2022

Prishtinë, 08 shkurt 2022  
Kodi i ZRRE: V\_1487\_2022

**Bordi i Zyrës së Rregullatorit për Energji,**

**Duke u bazuar në:**

- Dispozitat e Nenit 9, paragrafi 1, nën paragrafi 1.7, Neni 15 paragrafi 1 nënparagrafi 1.5, Neni 25, Neni 26 paragrafi 1, nën paragrafi 1.2, Neni 46 paragrafi 1 nënparagrafi 1.1, Neni 47 paragrafi 3 nënparagrafi 3.3, Neni 48 dhe 49 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 16 të Ligjit për Energjinë Elektrike (Ligji Nr. 05/L-085);
- Rregullën Nr. 03/2017 për vendosjen e të hyrave të lejuara maksimale të Operatorit të Sistemit të Transmetimit dhe Tregut (Rregulla për Të Hyrat e OST/OT);
- Parimet për përcaktimin e tarifave për Shfrytëzimin e Sistemit të Transmetimit dhe Tregut (SHST) dhe taksave të kyçjes;
- Vendimin V\_1484\_2022 të datës 7 shkurt 2022 për aprovimin e të Hyrave të Lejuara Maksimale (HLM) për OST/OT;
- Metodologjinë për përcaktimin e tarifave për Shfrytëzimin e Sistemit të Transmetimit (SHST);
- Metodologjinë për përcaktimin e tarifave të Operatorit të Sistemit;
- Metodologjinë për përcaktimin e tarifave të Operatorit të Tregut; dhe
- Propozimin e OST/OT për miratimin e tarifave të OST/OT në kuadër të Shqyrtimit të Tarifave të Energjisë Elektrike, të dorëzuar më datën 7 shkurt 2022,

**në seancën e mbajtur më 08 shkurt 2022 nxori këtë:**

## V E N D I M

- I. **APROVOHEN** - Tarifat për Shfrytëzimin e Sistemit të Transmetimit, Operimit të Sistemit dhe Operimit të Tregut, që do të zbatohen nga Operatori i Sistemit të Transmisionit dhe Tregut (OST/OT) duke filluar nga data 09 shkurt 2022 deri në shqyrtimin e ardhshëm tarifor.

- II. Struktura e tarifave për Shfrytëzimin e Sistemit të Transmetimit, Operimit të Sistemit dhe Operimit të Tregut është dhënë në tabelën e mëposhtme të këtij Vendimi:

| Grupi tarifor                   | Elementi tarifor                | Njësia   | Tarifa |
|---------------------------------|---------------------------------|----------|--------|
| Prodhimi i kyçur në Transmetim  | Tarifa e Operatorit të Sistemit | €/MWh    | 1.965  |
|                                 | Tarifa e Operatorit të Tregut   | €/MWh    | 0.025  |
| Prodhimi i kyçur në Shpërndarje | Tarifa e Operatorit të Sistemit | €/MWh    | 0.104  |
|                                 | Tarifa e Operatorit të Tregut   | €/MWh    | 0.025  |
| Operatori i Shpërndarjes        | Tarifa e Operatorit të Sistemit | €/MWh    | 1.726  |
|                                 | Tarifa e Operatorit të Tregut   | €/MWh    | 0.023  |
| Furnizimi                       | Tarifa e SHST 400/220 kV        | €/kW/vit | 4.745  |
|                                 | Tarifa e SHST 110 kV            | €/kW/vit | 9.675  |
|                                 | Tarifa e Operatorit të Sistemit | €/MWh    | 1.726  |
|                                 | Tarifa e Operatorit të Tregut   | €/MWh    | 0.023  |
|                                 | Tarifa e Fondit të BRE          | €/MWh    | 0.732  |

- III. Ky Vendim do të zbatohet nga Operatori i Sistemit të Transmetimit dhe Tregut (OST/OT) duke filluar nga 09 shkurt 2022 deri në shqyrtimin e ardhshëm tarifor.

## ARSYETIM

- Zyra e Rregullatorit për Energji (ZRRE) më datë 13.12.2021 ka iniciuar Shqyrtim të Jashtëzakonshëm të të Hyrave të Lejuara Maksimale për operatorët e Rregulluar, duke përfshirë edhe Operatorin e Sistemit të Transmisionit dhe Tregut – OST/OT.
- ZRRE sipas njoftimit të saj, ka vlerësuar se ekzistojnë argumente të qarta dhe në bashkërendim me procesin e fundit tarifor, ka konstatuar se ka indikacione të tejkalimit të pragut të materialitetit prej 5 % në të Hyrat e Lejuara Maksimale të operatorëve të rregulluar të energjisë elektrike.
- ZRRE në vazhdimësi ka monitoruar situatën e furnizimit me energji elektrike dhe nga analizat e bëra, ka konstatuar se si pasojë e mbizotërimit të çmimeve të larta të energjisë elektrike në bursat ndërkombëtare, është rrezikuar siguria e furnizimit për konsumatorët fundorë me energji elektrike. Duke qenë se kostot e blerjes së energjisë me shumicë janë jashtë kontrollit të

operatorëve, konform kornizës ligjore të rregullimit, ZRRE ka inicuar shqyrtim të jashtëzakonshëm të HLM për operatorët e rregulluar, me qëllim të ruajtjes së sigurisë së furnizimit për konsumatorët e energjisë elektrike dhe reflektimit të kostove të furnizimit.

- Prandaj, mbështetur në kornizën ligjore në fuqi, ZRRE ka hapur shqyrtimin e jashtëzakonshëm të Hyrave të Lejuara Maksimale për OST/OT.
- ZRRE më datë 23 dhjetor 2021 nga OST/OT ka pranuar aplikacionin për Shqyrtim të Jashtëzakonshëm të Hyrave të Lejuara Maksimale.
- ZRRE më 17 janar 2022 ka përgatitur dhe publikuar Raportin Konsultativ - Shqyrtimi i Jashtëzakonshëm i të Hyrave të Lejuara Maksimale të Energjisë Elektrike për Operatorët e Rregulluar.
- Raporti Konsultativ ka paraqitur qëndrimet e ZRRE-së për shqyrtimin e jashtëzakonshëm të HLM për të mbuluar ndryshimin e ndjeshëm në kostot e blerjes së energjisë elektrike dhe për të garantuar sigurinë e furnizimit me energji elektrike për konsumatorët. Raporti është vënë në diskutim publik me synimin që të marrë komentet e palëve të interesit për propozimet e ZRRE-së.
- Operatori i Sistemit të Transmetimit dhe Tregut ka dorëzuar komente më datë 25 janar 2022, ndaj Raportit Konsultativ - Shqyrtim i Jashtëzakonshëm i të Hyrave të Lejuara Maksimale të Energjisë Elektrike për Operatorët e Rregulluar.
- ZRRE, ndër të tjera ka trajtuar të gjitha komentet e OST/OT lidhur me humbjet në transmetim, shërbimet ndihmëse, Fondin për BRE, detyrimet e mbetura të KEK SH.A ndaj konsumatorëve dhe kostot e devijimeve ndaj interkoneksionit, si dhe komentet e palëve të interesit në lidhje me çmimet e importit.
- Raporti përfundimtar i Shqyrtimit të Jashtëzakonshëm të Hyrave të Lejuara Maksimale për operatorët e rregulluar, përfshirë edhe të operatorit OST/OT, përfshinë vlerësimet përfundimtare dhe përgjigjet në komente të palëve të interesit.
- Bordi i ZRRE-së me datë 07 shkurt 2022 përmes Vendimit V\_1484\_2022 ka aprovuar të Hyrat e Lejuara Maksimale prej 38,884,982 Euro.
- Sipas Vendimit V\_1484\_2022, OSTT/OT duhet t'i përgatisë dhe dorëzojë për aprovim në ZRRE tarifat për shfrytëzim të sistemit të transmetimit, operimit e sistemit dhe operimit e tregut, bazuar në HLM për OST/OT.
- ZRRE më datë 07 shkurt 2022 nga OST/OT, ka pranuar propozimin për tarifat për Shfrytëzimin e Sistemit të Transmetimit, Operimit të Sistemit dhe Operim të Tregut OST/OT-së.
- Propozimi i OST/OT për tarifat e OST/OT-së është i bazuar në Vendimin e ZRRE-së, për të Hyrat e Lejuara Maksimale V\_1484\_2022 të datës 07 shkurt 2022. Tarifat e propozuar nga OST/OT janë kalkuluar në pajtueshmëri me Metodologjinë për përcaktimin e tarifave për Shfrytëzimin e Sistemit të Transmetimit (SHST); Metodologjinë për përcaktimin e tarifave të Operatorit të Sistemit dhe Metodologjinë për përcaktimin e tarifave të Operatorit të Tregut.

- Tarifat e propozuara nga OST/OT, reflektojnë kostot e shërbimit për aktivitetet e Sistemit të Transmetimit, Operimi të Sistemit, Operimit të Tregut dhe Fondit të Burimeve të Ripërtëritshme.
- Bordi i ZRRE-së, pas vlerësimit dhe analizimit të propozimit për tarifat e Shfrytëzimit të Sistemit të Transmetimit, Operimit të Sistemit dhe Operimit të Tregut, ka vlerësuar se kërkesa është e bazuar në Vendimin V\_1484\_2022 të datës 07 shkurt 2022 për të Hyrat e Lejuara Maksimale dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij Vendimi.

IV. Vendimi nxirret dhe publikohet në gjuhët zyrtare në Republikën e Kosovës.

V. Vendimi hyn në fuqi në datën e miratimit nga Bordi i ZRRE-së, dhe i njëjti do të publikohet në ueb faqen zyrtare të ZRRE-së.

**Këshillë juridike:** Pala e pakënaqur me këtë vendim mund të inicioj konflikt administrativ në Gjykatën kompetente, brenda tridhjetë (30) ditëve, nga data e pranimit të vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:

  
Ymer Fejzullahu, kryedues

  
Selman Hoti, anëtar

  
Izet Rushiti, anëtar

  
Lutfije Dervishi, anëtar

  
Gani Buçaj, anëtar

**Vendimi iu dërgohet:**

- Operatorit të Sistemit të Transmetimit dhe Tregut (KOSTT SH.A.) dhe
- Arkivit të ZRRE-së.